



ӨНДІРІСТІ ӨЛКЕ ӨРКЕНДЕП КЕЛЕДІ

Мемлекет басшысы Қасым-Жомарт Тоқаев Қарағанды облысына жұмыс сапарымен барды. Президент іссапары Теміртау қаласындағы Qatmet металлургиялық комбинатын аралап көруден басталды.

QARMET-тің БАЯҒЫ ДАНҚЫН ҚАЙТАРУ КЕРЕК

Президент №3 домна пешінің жұмысымен танысты. Мұнда жылына 3,8 миллион тонна шойын өндіріледі. Qatmet акционерлік қоғамы Директорлар кеңесінің төрағасы Андрей Лаврентьев пен кәсіпорынның бас директоры Вадим Басин өндірісті дамыту үшін атқарылған және жүзеге асырылып жатқан жобалар жөнінде баяндады. Бұл мақсатқа 3,5 миллиард доллардан астам қаржы қарастырылған. Бұдан бөлек, 500 миллион доллар шамасында Көмір департаментіндегі және 978 миллион доллар көлемінде Темір рудасы департаментіндегі жоба-

ларға қосымша инвестиция құю жоспарланған.

Кәсіпорын ғимараттар мен нысандарға ауқымды жөндеу жұмыстарын жүргізіп жатыр. Биылғы жаңғырту бағдарламасына 100-ден астам нысан енген. 50 мың шаршы метр шатыр ауыстырылуда. Сонымен қатар бұған дейін қабылданған «Тазалық» бағдарламасына сәйкес 120 санитариялық-тұрмыстық ғимаратқа күрделі жөндеу жүргізіле бастады.

Мемлекет басшысына сляб пен блюм шығаратын №2 конверторлық цех пен металл әзірлемелерін үздіксіз құю машинасының жұмысы таныстырылды. Кәсіпорын басшылығы бүгінде мекеменің техникалық жағдайын бабында ұстап тұру, жөндеу жүйесін, сондай-ақ кристалдандырғыш айналым жүйелері мен барлық машина сегменттерін жетілдіру басты міндет екенін атап өтті. Келесі жылы басқару және гидравлика жүйелерін жаңғырту жұмыстары атқарылақ.

Андрей Лаврентьевтің айтуынша, іске асырылып жатқан жобалар комбинат жұмысын тұрақтандырып,

компанияның «5-9-5» бағдарламасының орындалуына болжам жасауға мүмкіндік берді. Қабылданған стратегияға сәйкес кәсіпорын 2028 жылға қарай жылына 5 миллион тонна болат шығаруды, 9 миллион тонна көмір және 5 миллион тонна темір рудасы концентратын өндіруді жоспарлап отыр. Бұл 2023 жылғы көрсеткіштермен салыстырғанда орта есеппен 66 пайыз өсімді қамтамасыз етеді.

Мемлекет басшысы комбинатты табиғи газға көшіру маңызды шешім екенін атап өтті. Бұл бастапқы кезеңде қоршаған ортаға келетін зиянды 30 пайызға төмендетуге мүмкіндік береді. Биыл күзде Теміртау қаласында экологиялық таза көлік түрі – трамвай желісі қалпына келтіріледі.

Президент өнеркәсіп қауіпсіздігі, өндірістің тиімділігін арттыру және жаңғырту, аймақтың экологиялық ахуалын жақсарту бағытында жүзеге асырылып жатқан жобалардың мерзімі мен жоғары сапа стандарттарын қатаң сақтау қажет екеніне баса назар аударып, бірқатар нақты тапсырма берді.

— Біз отандық инвесторды шақыру арқылы тұрақты шешім қабылдадық. Олар бірден іске кірісті. Комбинаттағы жағдай бұрынғымен салыстырғанда айтарлықтай жақсарған. Бірақ мұнымен шектелуге болмайды. Ең басты міндет — Qatmet кәсіпорнының баяғы данқын қайтарып, әлеуметтік мәселелерді шешуге баса мән беру. Бұл бағыттағы жұмыс басталып кетті. Одан хабардармын. Мен комбинатқа жыл сайын келіп, оның даму барысымен танысып тұрамын, — деді Қасым-Жомарт Тоқаев.

Қазіргі кезде Qatmet акционерлік қоғамында 34 мыңнан астам жұмысшы еңбек етеді. Металлургиялық комбинаттың өндірістік қуаты жылына 5,3 миллион тонна болат өндіруге жетеді. Былтыр кәсіпорын 2,9 миллион тонна дайын өнім шығарған. Оның 2,1 миллион тоннасы Ресей, Қытай, Өзбекстан, Қырғызстан, Тәжікстан, Түрікменстан, Грузия, Әзербайжан және Ауғанстан елдеріне экспортталды.

(Жалғасы 2-бетте)

МЕМЛЕКЕТТІК НАГРАДАЛАРМЕН МАРАПАТТАЛДЫ

Мемлекет басшысы Қасым-Жомарт Тоқаевтың Жарлығымен Париж қаласында өткен XXXIII жазғы Олимпиада ойындарындағы жоғары спорттық жетістіктері үшін Ұлттық құраманың бір топ спортшысы мен бапкері мемлекеттік наградалармен марапатталды:

I дәрежелі «Барыс» орденімен:

1. Сметов Елдос Бақтыбайұлы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Жамбыл облысы;

III дәрежелі «Барыс» орденімен:

1. Мельниченко Юрий Васильевич — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК жаттықтырушысы, Қарағанды облысы;

«Парасат» орденімен:

1. Еркебаев Аскар Берікбайұлы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК жаттықтырушысы, Астана қаласы;

2. Жадраев Демеу Нұрәлметұлы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Жетісу облысы;

3. Жылгелдиев Ғалымжан Жамбылбекұлы — «Жоғары спорт шеберлігі мектебі» КМҚК жаттықтырушысы, Жамбыл облысы;

4. Ким Александр Томович — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК жаттықтырушысы, Алматы қаласы;

5. Курбанов Нариман Хусанжанович — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Алматы қаласы;

6. Курбанов Хусанжан Шарипович — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК жаттықтырушысы, Алматы қаласы;

7. Қоңыратов Боранбек Темірғалиұлы — «Облыстық жоғары спорт шеберлігі мектебі» КММ жаттықтырушысы, Алматы облысы;

8. Қырғызбаев Ғұсман Даниярұлы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Алматы қаласы;

9. Оралбай Нұрбек Рахатұлы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Астана қаласы;

10. Сүлейменов Нұрбол Нұриұлы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК жаттықтырушысы, Алматы қаласы;

«Күрмет» орденімен:

1. Әлсенов Алмаз Жәнісұлы — Халықаралық дзюдо федерациясы президентінің кеңесшісі, Астана қаласы;

2. Камеков Долкунжан Турсунович — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК жаттықтырушысы, Алматы қаласы;

3. Қызыбай Назым Абайқызы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Алматы қаласы;

4. Ле Александра Георгиевна — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Алматы қаласы;

5. Насонов Геннадий Романович — «Мамандандырылған жоғары спорт шеберлігі мектебі» МҚКК аға жаттықтырушысы, Алматы қаласы;

6. Нәсіев Ермек Қалдыбекұлы — «Мамандандырылған жоғары спорт шеберлігі мектебі» МҚКК аға жаттықтырушысы, Алматы қаласы;

7. Сәтпаев Ислам Назарғожаұлы — Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК спортшысы, Алматы қаласы;

8. Скиба Вероника Викторовна — «Мамандандырылған жоғары спорт шеберлігі мектебі» МҚКК аға жаттықтырушысы, Алматы қаласы.

Сонымен қатар Қазақстан Республикасының нысана көздеуден Ұлттық құрамасының бас бапкері Ольга Довгунга және Халықаралық дзюдо федерациясы президентінің кеңесшісі Асхат Житкеевке Президенттің Алғысы беріледі.

БАҒАНЫ НАРЫҚ
БЕЛГІЛЕСЕ,
КІРІС КӨБЕЙЕДІ



5
БЕТ

ҚЫЗЫЛША ҚЫП-ҚЫЗЫЛ
ШЫҒЫНҒА
БАТЫРМАСЫН



7
БЕТ

АЭС:

ИГІЛІКТІҢ ЕРТЕ-КЕШІ ЖОҚ



Атом электр стансалары – экологиялық таза және ұзақ мерзімді перспективада арзан энергия. Бастапқыда көп шығынды талап еткенімен, кейіннен өзін-өзі тез ақтайды. Күн мен жел энергиясына қарағанда ауа райы жағдайына, күн мен жыл уақытына тәуелді емес. Ең басты артықшылығы – ол тұрақты түрде жұмыс істейді және өте ұзақ мерзімге пайдалануға жарайды.

» 4

КЛАСТЕРЛІК ДАМУ – НАҒЫЗ ТАБЫС КӨЗІ

Енді Қазақстан кластерлік дамуды таңдап отыр. Ол шикізатты өндіруден, оны өңдеп, нақты дайын бұйымдар жасап шығаруға дейінгі бүкіл жолды қамтуы керек. 2023 жылғы 1 қыркүйектегі соңғы Жолдауында Мемлекет басшысы Қасым-Жомарт Тоқаев «Әділетті Қазақстанның экономикалық бағдары» жоғары деңгейде өңделген өнім шығаратын кластер құруға негізделетінін жариялады. Осы орайда Президент Үкіметке «ел тағдыры үшін айрықша мәні бар» бірқатар жобаны жүзеге асыруды жүктеді. Сондай-ақ ағымдағы үш жылдың ішінде металды терең өңдеу, мұнай-газ және көмір химиясы, ауыр машина жасау, уранды конверсиялау және байыту, автобөлшектер және тыңайтқыштар шығару сияқты бағыттарға айрықша назар аударылатын болады.

» 5





ӨНДІРІСТІ ӨЛКЕ ӨРКЕНДЕП КЕЛЕДІ

Басы (1-бетте)

ЖАС ҰРПАҚТЫҢ КРЕАТИВТІ ДАМУЫНЫҢ МӘНІ ЗОР

Бұдан соң Мемлекет басшысы Қармет Креативті технологиялар орталығын аралап көрді. Аталған орталық металлургия қаласының белсенді әрі шығармашыл жастарының басын қосатын орынға айналды.

Президентке Qarmet акционерлік қоғамының профильдік емес активтерді басқару жөніндегі директоры Алмас Сиранов Орталықта роботты техника, автомобилделу, ұшқышсыз басқарылатын дрондар секциялары, бағдарламалау, блогерлер, журналистика, документалистика мектептері, подкаст студиясы

метр болатын ғимарат сапалы қосымша білім алуға қажетті құралдармен толықтай жабдықталған.

Мемлекет басшысы жас ұрпақтың шығармашылық және креативті дамуының мәні зор екеніне назар аударды. Сондай-ақ қоршаған ортаны қорғауға, соның ішінде «Таза Қазақстан» экологиялық акциясын өткізуге баса мән беретінін атап өтті. Президент оқушыларды осы маңызды бастамаға белсенді түрде атсалысуға шақырды.

ЖЕРГІЛІКТІ КӘСІПОРЫНДАР ЖҰМЫСЫМЕН ТАНЫСТЫ

Бұдан соң Мемлекет басшысы Саран қаласында тұрмыстық және электр техникасын шығаратын Silk Road Elec-

лектерін шығаратын KamaTyresKZ зауытын аралап көрді. Президентке кәсіпорынның өндіріс циклы мен даму перспективасы таныстырылды.

Мемлекет басшысына «Татнефть» ЖАҚ бас директоры Найль Маганов пен KamaTyresKZ зауытының директоры Радий Бурганов құрылыс-монтаж жұмыстары аяқталып, технологиялық құрал-жабдықтар толықтай жеткізілгенін айтты. 234 миллиард теңге көлемінде инвестиция салынған зауытта өнімнің сериялық өндірісі басталды. Өткен айда KamaTyresKZ 30 мың дөңгелек шығарған. Зауыт алғашқы жылы өнім көлемін 1 миллионға дейін жеткізе алады.

Президентке дөңгелек құрастыратын цехтар мен өндіріс желілері таныс-

пациялар тобының дөңгелек шығаратын кәсіпорындарында оқу-тәжірибеден өткен.

Зауыт өнімі Attar брендімен танылады және халықаралық стандарттарға сай сертификат иеленген. Отандық дөңгелектер шілде айынан Қазақстан мен шет мемлекеттердің нарығында сатыла бастады. Биыл елімізде құрастырылатын JAC маркалы автомобильдер конвейерден Attar дөңгелектерімен шығады.

МЕМЛЕКЕТ АУЫЛҒА БАСА МӘН БЕРЕДІ

Мемлекет басшысы Нұра ауданы Шахтер ауылындағы біркатар әлеуметтік нысанды аралап көрді. Қасым-Жомарт Тоқаевқа ауылдағы денешынықтыру-сауықтыру кешені таныстырылды. Мұнда волейбол, баскетбол, футбол, үстел теннисі, казак күресі секциялары және жаттығу залы бар. Кешенде Мұзбел, Егінді және Байтуған ауылдарының балалары да спортпен шұғылданады.

Президент жүзу бассейнін және жақында жөндеуден өткен жергілікті Мәдениет үйін аралап көрді. Қасым-Жомарт Тоқаев «Шахтерское» ЖШС директоры Георгий Прокоп бизнестің әлеуметтік жауапкершілігі аясында түрлі жобаны жүзеге асыруға үлес қосқанын атап өтті. Сондай-ақ оның ауданда спортты, мәдениетті және өнерді дамытуға қолдау көрсетіп келе жатқанын айтты.

Мемлекет басшысы Шахтер ауылының Үрмелі аспаптар халық оркестрінің ұжымымен әңгімелесіп, оларға шығармашылық табыс тіледі. Президент өңірлерде спорт және мәдениет жобаларын іске асыру маңызды екеніне назар аударды.

Қасым-Жомарт Тоқаев Нұра ауданы Шахтер ауылының еңбеккерлерімен

табанды және дөңгелек тракторлар, астық жинайтын комбайндар бар. Бүгінде шаруалар егін жинау науқанына сақдай сай.

Президентке жергілікті тұрғындар ауылда жұмыс істеуге және өмір сүруге қолайлы жағдай жасалғанын жеткізді. Қасым-Жомарт Тоқаев мемлекет ауылды дамытуға және шаруаларды қолдауға айрықша мән беретінін атап өтті.

ЕҢБЕК КАУІПСІЗДІГІН САҚТАУ МАҢЫЗДЫ

Президент Qarmet акционерлік қоғамының диспетчерлік-талдау орталығын аралап көрді. Компанияның бас директоры Вадим Басин Қасым-Жомарт Тоқаевқа көмір өндірісі бөлімшесін дамыту жөнінде баяндады. Атап айтқанда, бытыр көмір тек 3 шахтадан өндірілсе, енді Президент тапсырмасына сай қысқа мерзім ішінде барлық 8 шахтадағы жұмыс қалпына келтірілді. Өндірістік қауіпсіздікті күшейту үшін ауқымды жұмыстар қолға алынды.

Президент шахтерлердің өндірістегі қауіпсіздігін қамтамасыз ету бағытында қабылданған тың шаралармен танысты. Диспетчерлер нақты уақыт режимінде барлық шахтадағы ахуалды бақылап, газ деңгейіне талдау жүргізе алады. Бұдан бөлек, кеншілердің жұмысын үйлестіріп, олармен бейнебайланыс орнатады. Сонымен қатар орталықта жүйедегі қауіпсіздік бақыланып, өндірістік көрсеткіштер мен процестердің орындалу барысына мониторинг жүргізіледі. 2025 жылдың соңына дейін барлық 8 шахтадағы кеншілердің жүрген жері мен денсаулық жағдайын нақты анықтайтын қондырғы жүйесі орнатылады.

Бұдан кейін Мемлекет басшысы «Саран» шахтасында, 620 метр тереңдікте жұмыс істеп жатқан кеншілермен бейнебайланыс арқылы сөйлесті. Кәсіп-



және басқа да шығармашылық бағыттағы үйірмелер ашылғанын жеткізді. Оның айтуынша, Орталық тек металлургиялық комбинаттың ғана емес, Теміртау қаласының көрнекті нысанына айналады. Мұнда жастар кәсіби бағдар алып, өздерінің инженерлік дағдыларын шыңдайды.

Президент кәсіпорын жұмысшыларымен және ардагерлерімен, сондай-ақ кәсіподақ өкілдерімен әңгімелесу барысында еңбек адамы ең жоғары құрметке лайық екенін атап өтті. Бұл ретте мемлекет тарапынан олардың әлауқатын жақсарту үшін барлық жағдай жасалып жатқанын жеткізді.

Сондай-ақ Қасым-Жомарт Тоқаев Қарағанды қаласының Пришахтинск ықшамауданында таяуда ғана ашылған «Кәусар» оқушылар сарайының қызметімен танысты.

Мемлекет басшысына мұндағы 13 үйірме мен секцияға 1600 бала қатысатыны жайында мәлімет берілді. Оқушылар игілігі үшін орталықта HI-TECH цех, шығармашылық шеберхана, хореография залы, ART-студия, дыбыс жазу, телевидение және фото студиялары, VR-архитектура және WEB-дизайн кабинеттері, Intellectum-студия, Интернет заттары кабинеті, роботтық техника және техникалық шығармашылық зертханасы, STEM-зертхана, музыкалық студия, экологиялық орталық, спорт және ойын алаңдары ашылған. Жалпы, ауданы 3,3 мың шаршы

tronic кәсіпорнына барды. Жалпы ауданы 61 мың шаршы метрден астам өндіріс бұрынғы «Қарағандырезина-техника» зауытының аумағында орналасқан. Жобаның құны – 25 миллиард теңге.

Президентке Meridian Company жауапкершілігі шектеулі серіктестігінің техникалық директоры Александр Критский кәсіпорындағы өндіріс процесі туралы айтты. Зауыт жыл басынан бері тұрмыстық техника шығарып, оны еліміздің электроника бұйымдарын сататын сауда желілеріне жеткізеді. Бүгінге дейін кәсіпорында 97 мың тұрмыстық техника өндірілген. Компания 2027 жылға қарай толық өндірістік қуатына көшіп, 1,1 миллион тұрмыстық техника шығаруды және өз өнімін ТМД елдеріне экспорттауды жоспарлап отыр. Samsung Electronics Central Eurasia компаниясының басқарма төрағасы Минки Чу аталған өндіріс алаңында Samsung брендімен теледидар және автоматты кір жуу машинасын шығару көзделіп отырғанын жеткізді.

Президентке қазір зауытта Қарағанды, Саран, Шахтинск және Абай қалаларының 232 тұрғыны жұмысқа орналастырылғаны туралы мәлімет берілді. Зауыттың өндірістік қуаты толығымен іске қосылған кезде жұмысшылар саны 1200 адамға дейін ұлғаяды.

Сонымен қатар Қарағанды облысына жұмыс сапары аясында Қасым-Жомарт Тоқаев Саран қаласындағы көлік дөңге-



тырылды. Зауыттың құрал-жабдығы Латвия, Италия, Португалия, Жапониядан және тағы да басқа елдерден әкелінген. Жалпы, кәсіпорында 800-ге жуық технологиялық құрылғы орнатылған.

Зауыт 2027 жылға қарай 3,5 миллион дөңгелек шығарады деп жоспарланып отыр. Қазір кәсіпорында 590 жұмысшы еңбек етіп жатыр. Келешекте қызметкерлер саны 1125 адамға дейін көбейеді. Өндіріс жұмысшылары «Татнефть» ком-

әнгімелесті. «Шахтерское» жауапкершілігі шектеулі серіктестігінің директоры Георгий Прокоп ауыл шаруашылығы кәсіпорынында 245 жергілікті тұрғын жұмыс істейтінін айтты. Шаруашылық негізінен дөңді және майлы дақылдар, сондай-ақ картоп егумен айналысады. Директордың айтуынша, агробиілістің техникалық паркінде John Deere, Buhler, CLASS, Lovol, Valtra, PCM, Acros маркалы заманауи шынжыр

орын жаңа alarphone құрылғысымен жабдықталған. Қорғаныс деңгейі аса жоғары гаджетте қызметкермен жедел байланысуға арналған смартфон функциясы бар.

Қасым-Жомарт Тоқаев кеншілерге жанкешті жұмысы үшін алғыс айтып, шахтерлердің қызметінде еңбек қауіпсіздігін сақтау маңызды екеніне назар аударды.

